

**Atham iaine ul  
woThocculunukia 2  
Atham ie'ra ammakka oPoluc  
pokurrinet ul wonoka'ran  
koThocculunukia  
Lon lonothon**

Ul w'rek ioccoke lon loIeccuo noka'ran koThocculunukia thonat lon ima itti Ili oIeccuo pokkaprttakot ntit. Ittina oPoluc paik pakurro atham ie'ra akwonc'e'ret lon elli cik ilocikit-takothe nomikit ana akwi'ret kin itti lon lakaik loppot ilokithak ana ngu'ru aleccuo parthuk okkaprttako ntan. Aleccuo parthuk anthan, ul wamakot pul p'rek k'ran itti pul pou'ru ana kwikko p'ra lon loMiccie.

OPoluc popakkukkwenthet kin itti okin tha'rungkot ithocokot lon nomikit manna amma okin thaik thocokot thiak. Kwomekathekin itti okin thareko othakka itti akin ikkoik ammakka oPoluc pokkothe ana ul wung iakin thokat ire. Ana akin oka thopo'rot than ithokkot lon iloporot.

**Lon ilaik iatham**

1. Thomicco (1.1-2)
2. Opirane Kapik noka ana a'rane nga'rama (1.3-12)
3. Lon lothao thoMiccie (2.1-17)
4. Thikkoik thoul woMiccie (3.1-15)
5. Lon ilocothothe (3.16-18)

<sup>1</sup> Oun oPoluc ana oCcila ana oThimiththaocthamicco non ithocokoke lon loIeccuo noka'ran

koThocculunukia itha ul woKapik oNgappa ponnon ana Ili oIeccuo oMiccie. <sup>2</sup> Athoporot ana thomicco thoKapik oNgappa ponnon ana Ili oIeccuo oMiccie oka nanon.

### *Ca'ri cothakkama*

<sup>3</sup> Pangkingon, onin thongothe itti onin thethet Kapik thopira noka appinappin nti ilon lon ana lekkot nan menik akka thocokot lon loKapik nomikit thon thaik tharttakot nan ana thongarot thon ithanon thongarothe ngngin thaik tharttakot nan. <sup>4</sup> Ilen akka anin othingkakenenon ngngin onon ithocokothe lon loIeccuo ntho'rungkot cik thon ilon loKapik ana thocokot lon loKapik nomikit thon ithiak ana nthantoka manna thaik thakkiettat thiak ikkitheththak.

<sup>5</sup> Menik Kapik kikkiet non cik ngili ngung inganon thorukwinthet ilon ana elli lakene itti thakkama thoKapik thoco'rotheik. <sup>6</sup> Kapik konu lon loco'rotheik kakkiet ul thiak iokkiethenon thiak <sup>7</sup> ana kethet non thongoko onon ithaik thacokot thiak ana onin cakuruk. Elli appik lakaik amma Ili oIeccuo okkarttako ntan nci nokkit ntothi'rot, mpu'ran pung ana nu'rupa wothothilettat woKapik. <sup>8</sup> Ana kwanthan nthik ithacco ana kwaccokiet nokkwion thiak ith'rat Kapik ana ithannokkwine lon iloporot lolli wonnon oIeccuo kunu ncik. <sup>9</sup> Okin thacokot thiak ana okittakineik thupuththuput ana okin thakiccetta ntokit kolli oIeccuo ana ntokit kopu'ran pung thirik thung <sup>10</sup> noca'ri ica kwao akwathomerekettat iul wung appik iocokothe lon lung nomikit. Onon thaka naththungon akka

onon thoccoke lon lın nomikıt ilanin therenet non.

<sup>11</sup> Ilen elli akka ina'ranenon nga'rama appinappin itti aKapik othikkienon ithekko nothikkoik itha kwakkarotheron. Ana intha'ranenon nga'rama itti aKapik ittarot non mpu'ran pung annokkot lon iloporot ila nthongothe itti nthakkot akka onon thoccoke lon loleccuo nomikıt. <sup>12</sup> Onin tha'ra nga'rama engi othakka itti ak'ran kolli oleccuo omerekettat ianon ana anon omerekettat iak ammakka thoporot thoKapik konnon ana Ili oleccuo oMiccie.

## 2

### *Lon ilathokaik aleccuo parthuk ao*

<sup>1</sup> Pangkingon, mpi'ret non itti nokorronno ocikittakinthet lon ima lolon loca'ri amma Ili oleccuo oMiccie okkaprttako ntan oron tha'rntakot iccik kung, <sup>2</sup> anaruk inthongothe itti inthi'ret non itti nokorronno ocikittakot nyathe're ima ana irro mikıt nti ikarak nolon ilerettat ana ka'ramacak ikokurrakot ikokat konu itti kanthan nanin aki're itti ca'ri ica Ili oleccuo ao nan caat ntıt. <sup>3</sup> Nokorronno okorronno opilin itti kwammikkot non llon l'rek aththik. Anaruk mpi'ret itti ca'ri cen cakannao, puccuk aul 'rakat lon loKapik ana pul pou'ru pinako nan aKapik okkwathok. <sup>4</sup> Kw'ra a'rupu ncik appik ia ul a'rane nga'rama ana kwipot ka thoura noppa toKapik ana kwi'riko noppa toKapik akwi'ret ul itti ook Kapik ngka kung.

<sup>5</sup> Nthuret nan itti mperentenet non lon elli akka mpokat ianon? <sup>6</sup> Onon thina ilaik ilacottitto pul pou'ru pen othakka itti apummot ncik noca'ri icekkot nan. <sup>7</sup> Pu'ran popul pou'ru paik pareko nthu'ran, paik ire ntit. Anaruk okkwi ipaik pacottitto pul pou'ru inenni pa'rungkot nan menik puccuk apopa'rat cik nti ikathar. <sup>8</sup> Ca'ri cen pul pou'ru pinako nan ana Ili oIeccuo panthan ana kwakkwot pul pou'ru pen ngkanang korithon ana ope'riccothok cik nthirik thung. <sup>9</sup> Anaruk thummot ncik thopul pou'ru ipokithak pathokkot lon lothamit ana lon ilakene itti lon len lopul pothopulut <sup>10</sup> ana amma akwokkot lon len, kwammikkot ul iaik wille. Okin thille akka okin thannangkot lon ilaik icat loKapik itti akin o'rettat. <sup>11</sup> Ilen elli akka Kapik kothinthet kin pu'ran ipanthomiekin ma itti akin occikot lon lokarra. <sup>12</sup> Ana ittina okin appik thaKapik occokiet thiak ithakannoccikot lon ilaik icat ana ithongothe lon ilokithak.

*No'rumo nolon ilanon thoccokothe*

<sup>13</sup> Turuk loporot itti onin thapirane Kapik noka nti ianon opangkingon itha Ili oIeccuo pongothe, akka Kapik kocumot non nci ma'rot itti anno'rettat mpu'ran poKanang ikupupure ikathikkienon thupupure ana nthocokot thon tholon loKapik ilaik icat. <sup>14</sup> Kapik kakkarot non llon iloporot loIeccuo ilanin therenet non, othakka itti aron oka ithirik thoIli wonnon oIeccuo oMiccie. <sup>15</sup> Ittina, pangkingon, onocokot kit ana o'rumo nothongkene ithanin thongkenet non, antoka manna llon ana nthokurro. <sup>16</sup> Kapik oNgappa ponnon kongotheron ana nthoporot

thung kethet ton thittarot thothupuththuput ana tho'rikot cik. Onin tha'ra nga'rama itti alli wonnon oIeccuo oMiccie ana Kapik oNgappa ponnon <sup>17</sup> ittarot non appinappin itti annokkot ngre ioporot ana ere lon iloporot.

### 3

#### *Na'ranenin nga'rama*

<sup>1</sup> Ittina p'rin pangkingon, na'ranenin nga'rama itti alon lolli oIeccuo opettakot cik cokocokot nocik appik ana aloka lothiakinet cik, ammakka laik nanon. <sup>2</sup> Ana na'ranenin nga'rama aKapik o'ret nin noul ionu lon ilokithak akka ul appik wakannocokot lon lolli oIeccuo nomikit. <sup>3</sup> Anaruk Ili oIeccuo pakkot lon ila kwi'ret itti kwakkot ana kwapo'rienon than ana kwangwot non nti ilon lopul pothopulut. <sup>4</sup> Ili oIeccuo papirienin noka itti onon thaik thakkot ana ntharungkot nan okkot lon ilanin therenet non. <sup>5</sup> Alli oIeccuo ittarot non annina thongarot thoKapik ana thocokot mikit ilon thoMiccie.

#### *Lon lore*

<sup>6</sup> Pangkingon, inthi'ret non lon lonthoththomat ngk'ran kolli oIeccuo oMiccie itti onon thapa'roik nti iccik kopangkingon ithonu ngore ana ithakannomakot lon ammakka thongkene ithanin thongkenet non. <sup>7</sup> Akka onon ngka kon thina tat akka anninnikot lon lin. Onin thaththakannona ngore akka onin thokat unaththungon. <sup>8</sup> Onin thaththakanno'rko thu'rit napilin nuthuk okorronno ethok akucci ntit. Anaruk onin thorekot nokkonokki ana

nokk'rokk'ra othakka itti inokorronno okinyie opilin nti ianon. <sup>9</sup> Onin thouu lon ikkun itti onin thamet non itti onon thakkinthet nin lon ilanin thongothe anaruk onin thorekot ngka kin othakka itti inokenenon kathar ika annomakot. <sup>10</sup> Ana ca'ri icanin thokat nanon onin thonekkenthet non lon cik elli itti, "Amma pul pakannoreko pakanno'rkoik."

<sup>11</sup> Onin thocckithe itti opilingon nti ianon thouu ngore. Okin thi'rikikko ire ngoul akin once're ul nore. <sup>12</sup> Ul ammakka enni, onin thi'ret kin lon lonthomat ngk'ran kolli oIeccuo oMiccie itti okin thikkoik akin oreko akin o'rko thu'rit thonyaun nyen. <sup>13</sup> Ana onon, nokorronno oco'ro nti ithokkot lon ilaik icat. <sup>14</sup> Ana okkwi ipakannangkot lon ilanin thaik thangkenenon nti ika'ramacak, annocot kit naak. Nokorronno ommakot lon lung othakka itti akwipo n're. <sup>15</sup> Nokorronno okkothok lon karkko pul ipa nth'rat anaruk na'retto naak karkko opang pon.

### *Lon ilocothothe loPoluc*

<sup>16</sup> Inenni alli wothomicco ethet non thomicco noma'ri appik ana ilon appik ana akwoka nanon appik. <sup>17</sup> Oun oPoluc akkokurrinet non ka'ramacak engki, "Alli oIeccuo oka nanon appik," nukun win ilen kuret kin ikaik pellek ithokurro thin appik. Kathar engki akka anokurro ngngin. <sup>18</sup> Athoporot tholli oIeccuo oMiccie oka nanon appik.

**Lumun**  
**Lumun: Lumun (Bible)**

copyright © 2020 Wycliffe Bible Translators, Inc.

Language: Lumun

Contributor: ECS Diocese of Khartoum Translation Department

This text box needs to have content for PT9 to upload is to the DBL.  
All rights reserved.

2020-11-18

---

PDF generated using Haiola and XeLaTeX on 23 Aug 2023 from source  
files dated 29 Jan 2022

b9cb69ce-3694-5d9f-bda5-4a2243faegee